



Broj/Број: 04/05-50-134-3/11  
Sarajevo/Сарајево, 18.1.2012.

### **INFORMACIJA**

s 57. godišnje konferencije Parlamentarne skupštine NATO-a,  
održane u Bukureštu, od 7. do 10.10.2011.

U radu 57. godišnje konferencije Parlamentarne skupštine NATO-a, održane u Bukureštu, od 7. do 10.10. 2011., učestvovali su: Milorad Živković, predsjedavajući Delegacije, Asim Sarajlić i Božo Ljubić, članovi Delegacije Parlamentarne skupštine BiH u Parlamentarnoj skupštini NATO-a.

#### **7.10.2011.**

Članovi Delegacije PSBiH posjetili su Ambasadu Bosne i Hercegovine u Republici Rumuniji gdje ih je ambasador Duško Kovačević upoznao s radom Ambasade, aktuelnim stanjem bilateralnih odnosa između dvije zemlje kao i nizom drugih pitanja karakterističnih za sagledavanje odnosa dvije zemlje i regiona u cjelini.

Održan je sastanak sekretara delegacija, sa sljedećim dnevnim redom:

1. Upoznavanje s planom rada 57. godišnje konferencije,
2. Informacija o rezultatima sastanka sekretara delegacija koji je održan u Varni, 28.5.2011.,
3. Informacija o pripremljenim materijalima za potrebe održavanja 57. godišnje konferencije,
4. Informacija o rasporedu rada komiteta,
5. Priprema za održavanje sastanaka i konferencija PSNATO-a u 2012. godini
  - proljetno zasjedanje PSNATO-a, Talin, Estonija, od 27. do 30.5.2012.
  - godišnja konferencija PSNATO-a, Prag, Češka Republika, od 12. do 16.11.2012.,
  - sastanci u 2012., 2013. i 2014. godini.
6. Saradnja delegacija i Međunarodnog sekretarijata PSNATO-a.

U popodnevnim satima održan je i sastanak članova Delegacije PSBiH na kojem je razgovarano o rasporedu rada 57. godišnje konferencije i zaključcima sa sastanka sekretara delegacija. Dogovoren je način praćenja rada i učešća u radu komiteta.

#### **8.10.2011.**

Rad 57. godišnje konferencije odvijao se prema utvrđenom planu. Održani su sastanci političkih grupacija konzervativaca i kršćanskih demokrata, Alijanse liberala i demokrata i grupacije socijalista prije početka rada komiteta. Na sastancima su razmijenjena mišljenja o temama koje su predviđene za raspravu tokom godišnje konferencije.

Članovi Delegacije PSBiH učestvovali su na sjednicama:

- Komiteta za ekonomiju i sigurnost,
- Komiteta za civilnu dimenziju sigurnosti,
- Komiteta za odbranu i sigurnost,

### **Komitet za ekonomiju i sigurnost**

Sjednicom Komiteta predsjedavao je Hugh Bayley (Ujedinjeno Kraljevstvo).

Na sjednici je raspravljano o zaključcima proljetne konferencije PSNATO-a koja je održana u Varni-Bugarska, a koji se odnose na probleme ekonomije i sigurnosti.

Posebno je vođena rasprava o prijedlogu amandmana na rezoluciju: „Konfrontacija zbog teškoća u fiskalnom okruženju-ekonomske krize, fiskalna konsolidacija i rizici evropske irelevantne strategije“, o čemu je tokom rasprave bilo ponuđeno više različitih viđenja, prijedloga i kritika.

Profesor Sultan Barakat prezenrirao je probleme postkonfliktnog društva u Afganistanu.

Frank Boland, direktor Sektora za planiranje Direktorata za planiranje i odbrambenu politiku NATO-a govorio je o problematici i bremenu transatlantskih relacija u vremenima teških budžetskih kriza.

Leon Benoit iz Kanade, predsjednik Potkomiteta za transatlantske ekonomske odnose, i Petras Austrevicius iz Litvanije, predsjednik Potkomiteta za ekonomsku saradnju Istok-Zapad, sumirali su rad potkomiteta na čijem se čelu nalaze te su prezentirali buduće aktivnosti.

O temi „Balkanska ekonomija: regionalni problemi, evropsko odvracanje i globalna kriza“ uvodno izlaganje i izvještaj podnio je John Sewel iz UK. Nakon proljetnog zasjedanja u Varni u maju 2011. godine, kada je vođena detaljna rasprava o izvještaju, Direktorat Komiteta uvažio je sugestije, primjedbe i preporuke tako da je urađena finalna verzija izvještaja s daleko realnijim parametrima.

Božo Ljubić je tokom rasprave komentirao sadašnju političku i ekonomsku situaciju u BiH. Posebno se osvrnuo na probleme u provođenju izbornih rezultata nakon izbora iz oktobra 2010. godine te članovima komiteta najavio moguća rješenja u formiranju Vijeća ministara BiH.

Nakon rasprave o navedenoj temi usvojen je izvještaj izvjestioca Johna Sewala.

### **Komitet za civilnu dimenziju sigurnosti**

U radu Komiteta učestvovao je Milorad Živković.

Sjednicom Komiteta predsjedavala je Jo Ann Emerson (SAD).

Tokom zasjedanja Komiteta raspravljano je o zaključcima proljetne konferencije PSNATO-a koja je održana u Varni, Bugarska.

O prijedlogu amandmana na rezoluciju o sajber sigurnosti govorio je Lord Jopling iz UK.

Dr. Khalid Koser iz Ženevskog centra za sigurnosnu politiku govorio je o temi: „Migracije i sigurnost-arapsko proljeće, slučaj za razmatranje“.

O temama: „Rezolucija UN 1325, žene, mir i sigurnost“ govorila je Ulla Smidht iz SR Njemačke.

Vladimir Socor, istraživač iz Jamestown fondacije, Vašington DC, prezentirao je temu: „Ukrajina-Moldavija: nedostatak sigurnosti na istoku Evrope“.

Učesnike u radu Komiteta o temi: „Ukrajina poslije revolucije-unutrašnja dinamika i prioriteti vanjske politike“ upoznao je Lucio Malan, Italija, izvjestilac potkomiteta za demokratsko vladanje.

## **Komitet za odbranu i sigurnost**

U radu Komiteta učestvovao je Asim Sarajlić.  
Sjednicom Komiteta predsjedavao je Joseph A. Day , predsjedavajući (Kanada).

Raspravljano je o prijedlogu rezolucije "Afganistan - put kroz tranziciju", izvjestilac Sven Mikser.

Prezentacije Bogdana Aurescua, državnog sekretara u MVP Rumunije o temi „Proturaketna odbrana i saradnja u euroatlantskoj zoni, rumunski pristup“.

Izvjestilac Potkomiteta za poglede na sigurnost i odbrambene kapacitete osvrnuo se na probleme proturaketne odbrane i pogleda u budućnost NATO-a.

General-pukovnik dr. Stefan Danila, komandant Generalštaba Vojske Rumunije, prezentirao je problematiku u vezi s učešćem rumunske vojske u operacijama NATO-a i reformom Vojske Republike Rumunije.

### **9.10.2011.**

Članovi Delegacije PSBiH učestvovali su na sljedećim sjednicama:

- Komitet za civilnu dimenziju sigurnosti,
- Komitet za odbranu i sigurnost,
- Politički komitet.

## **Komitet za civilnu dimenziju sigurnosti**

U radu Komiteta učestvovao je Milorad Živković.  
Sjednicom Komiteta predsjedavala je Jo Ann Emerson (SAD).

Tokom rada Komiteta održane su prezentacije o temama:

- „Sljedeća dekada terora“, Raffaello Pantucci, istraživač Međunarodnog centra za studije o radikalizmu,
- „Regionalni i strateški značaj Rumunije“, Julian Fota, predsjednički kancelar Rumunije.

Vitalino Canas (Portugal) je u ulozi specijalnog izviđača govorio o temi: „Izazovi rukovođenje u Afganistanu“.

Lord Joplin, UK, prezentirao je zaključke o rezoluciji o sajber sigurnosti.

Na kraju rasprave izabrani su čelnih ljudi potkomiteta i komiteta, a Lordu Joplinu ukazano je povjerenje da predsjedava Komitetom za civilnu dimenziju sigurnosti.

## **Komitet za odbranu i sigurnost**

U radu Komiteta učestvovao je Asim Sarajlić.

Uvodno izlaganje imao je Joseph A. Day (Canada).

Raspravljano je o generalnom izvještaju Potkomiteta o temi „Afganistan i put kroz tranziciju-procjena sigurnosnih napora“ o kojoj je izvjestilac bio Sven Mikser iz Estonije.

O prijedlogu izvještaja Potkomiteta za transatlantsku saradnju u oblasti odbrane i sigurnosti o temi: „NATO operacije u duhu Novog strateškog koncepta i EU kao partner u operacijama“ izvještaj je podnio Nicole ameline (Francuska).

Frank Boland, direktor Sektora za planiranje Direktorata za planiranje i odbrambenu politiku NATO-a, prezentirao je temu: „Trendovi potrošnje NATO-a“.

Obavljeni su izbori u potkomitetima i Komitetu na kraju zasjedanja.

### **Politički komitet**

U radu Komiteta učestvovao je Božo Ljubić.  
Sjednicom je predsjedavala Raynell Andreychuk (Kanada).

Tokom rasprave razgovarano je o prijedlogu izvještaja o političkoj transformaciji na Srednjem istoku i Sjevernoj Africi. Izvjestilac Antonio Cabras, Italija.  
Assen Agov prezentirao je prijedlog rezolucije o temi: Politička transformacija na Srednjem istoku i Sjevernoj Africi.

Tokom rasprave posebno se razgovaralo o stanju u Siriji i Libiji i brutalnosti režima u obračunu s onima koji su pokušali promijeniti režime koji opstaju decenijama.  
Pozdravljene su demokratske promjene u Tunisu i Egiptu.  
Posebno je naglašeno da se region Srednjeg istoka i Sjeverne Afrike treba mijenjati demokratski i da će zemlje članice NATO-a pružiti nesebičnu podršku nastojanjima onih koji žele donijeti mir i stabilnost u pomenutom regionu.  
Razgovarano je i o Stabilnosti i sigurnosti na Sjevernom Kavkazu o čemu je imao prezentaciju profesor Aude Merlin, profesora Univerziteta Brisel.

Članovi delegacije PSBiH u PSNATO-a održali su sastanak s Paulom Kookom, direktorom Komiteta za sigurnost i ekonomiju, i Andriusom Aviziusom, direktorom Komiteta za civilnu dimenziju sigurnosti, tokom kojeg je razgovarano o toku priprema predstojeće posjete Bosni i Hercegovini članova Komiteta za civilnu dimenziju sigurnosti, Potkomiteta za ekonomsku saradnju Istok-Zapad i Potkomiteta za približavanje Parlamentarne skupštine NATO-a. Razgovarano je o kompletnom prijedlogu programa posjete od 24. do 27. oktobra 2011., pitanjima koja je potrebno riješiti kao i nizom drugih detalja koji karakteriziraju takav vid posjete.

U popodnevним satima održana je sjednica Stalnog komiteta na kojoj je sumirana rasprava o prijedlogu rezolucija i deklaracija Konferencije.

### **10.11.2011**

Održana je plenarna sjednica PSNATO-a.

Plenarnoj sjednici prisustvovali su Milorad Živković i Božo Ljubić, članovi Delegacije PSBiH u PSNATO-a.

Tokom plenarnog zasjedanja izlagali su:

- dr. Karl A. Lamers, predsjedavajući PSNATO-a,
- Anders Fogh Rasmussen, generalni sekretar NATO-a i predsjedavajući Sjevernoatlantskog vijeća,
- Mircea Geoana, predsjednik Senata Republike Rumunije,
- Roberta Anastaze, predsjednica Doma delegata Skupštine Rumunije,
- Traian Basescu, predsjednik Republike Rumunije.

Predsjednik Basescu se u svom izlaganju posebno osvrnuo na stanju u regionu. Dao je snažnu podršku naporima Bosne i Hercegovine i Srbije u ispunjenju obaveza koje ih vode ka NATO-u. Isto tako, objasnio

je razloge zbog kojih Rumunija nije i neće priznati Kosovo, ali će u okviru operacije NATO-a KFOR doprinijeti daljoj stabilizaciji stanja na Kosovu i regionu.

Učesnici u radu plenarne sjednice postavili su veliki broj pitanja generalnom sekretaru NATO-a Rasmunsenu o stanju u Libiji, Siriji, Egiptu i Afganistanu kao i angažiranju snaga NATO-a u tim zemljama.

Tokom plenarnog zasjedanja usvojena je Deklaracija o podršci tranzicije u Afganistanu, Deklaracija o stanju na Srednjem istoku i Sjevernoj Africi, Deklaracija o pomoći narodu Libije te Deklaracija o sajber sigurnosti.

Nakon navedenih izlaganja izabran je predsjedavajući PSNATO-a dr. Karl A. Lamers (SR Njemačka) kome je ovo drugi jednogodišnji mandat. Isto tako, imenovano je i pet potpredsjednika PSNATO-a.

Predsjedavajući PSNATO-a prezentirao je prijedlog aktivnosti PSNATO-a u 2012. godini.

Usvojen je budžet PSNATO-a za 2012. godinu.

Prijedlozi rezolucija usvojeni su i time je zaključen rad 57. godišnje konferencije PSNATO-a.

Informaciju sačinio:

Željko Grubešić

PREDSJEDAVAJUĆI DELEGACIJE  
dr. Milorad Živković

Dostaviti:

- Kolegiju Doma naroda
- Kolegiju Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Komisiji za vanjske poslove Predstavničkog doma
- Kolegiju Sekretarijata
- Kopija: Ministarstvu vanjskih poslova BiH